

Maki Nasumo Naña YOANE Siriuyua

Visayuena Na Tusi Nene

Sunienan na plas na tusi nini

Maki ſe kienan Yoane, naga kienan sitomena kevieu luan.

Nasumo, Yoane sinenan sape visirlua sitomena kienan li nalelagaena lala naña aulo maki nini, vena silaga monar asikol la ruruia naña kiela sitomena ve taaga ga, a vena asikola ruruia amio Ntewa, amio narina naña Yesu Kristo.

A nalua, naga vena visaen vanila vena ve ataveve re navianena la naña kiela vianena pe mesmesu re poli, komin navianena la nene akilia akila kare sumare e kiela visena na visokanen lala, ana yoko kilia kila naña li nalelagaena la taapatete si asikol ruru la e sitomiena ve taaga.

Navianena la nene asumña apian ke yaru lala, asape ſelaga viowa la apimi amālivi komin yaru la asike e yomarava, a amiyumiae ke ga e suri na yomarava la ne. Amio nanene, asitom sape Yesu, naga narina Ntewa, ana pe pe yaru ruru re sane ita poli. La asumña apisa ke asape visae Ntewa tamalia yaru, yaru nena taapatete sitomali si malena na yomarava nini, a pe pe suri re poli visae yaru na sanene kila milamulena viowa po pe kila re milamulena viowa poli a pe pe suri re mēna poli visae naga sinena si yaru taپena ponan

ve sinena si re, ana suri la nene maran taaga ga,
pe suri na yomarava ga.

Yoane siri m̄aki nini, sape kila meraravan naña
naga yepen mavin sitomieno la nene pano-o
pap̄isi, a pisawal meraravan naña Yesu Kristo,
naga pe yaru nena sane ita. A naga pisaar
m̄arera sape yaru la naña amlelaga e Yesu, a
sinela si Ntewa, monar sinela sisi la m̄enaga.

Kom̄pasnen Tusi La Na Nini

Visena ūesa 1:1-4

Legiena a yemalo 1:5—2:29

Narina Ntewa lala a narina Yermare lala 3:1-24

Ninuna naña pe purp̄esnen visena lelaga a
ninuna naña pe purp̄esnen visena na visoka-
nena 4:1-6

Pelaga kiena yaru naña sinena si yaru 4:7-21

Pelaga na lelagaena naña kilia taulu make suri
la silaga 5:1-21

*Yar na visawalen malena kiena ne Ntewa van
ita, naga pimi e yomarava ūisi rui*

¹ Sur tai, nanua sumo e pogos naña yomarava
siaria, ana nagane in na nemloge, nepisu e
kilamarau, in na nepisu ruru pano-o, netol nena
e lum̄au. Sur nene, kiena kia sanini, sape
Navisawalen Malena, po Purp̄es nen Malena, po
Malena Naña Ve Uro Re Pogos Tai, nane in na
sineun nesape nesiri van ami. ² Sur nene,
nanua sumo pe tekilia re poli, naga sumña ga amio
Ntewa arimata pano-o, nagane na pimi ūarpoyō
merarava e marata e yomarava nini narui, ana

imimi moki mepisua, a mepisawal pan yeririna lala. ³ Imimi memloge ruru nena e kiligamimi lala, a mepisu nena e kilamaramimi, ana mesape mevisawal van amiu vena kam m̄ena ga alelaga ea. Visae kam alelaga ea, yokorena kam m̄ena aim ave taaga amio imimi, sa naña imimi mepe taaga ga memio arimata Ntewa a narina Yesu Kristo rui. ⁴ Sur nene kila pupiakekarena sike amio imimi silaga, a visae auarar ruru visena la naña nesape nevisa van amiu e m̄aki nini, yoko pupiakekarena nene sike m̄ena amio amiu, p̄isi na kila ita punu ga teloge wo vap̄isi.

Ntewa naga pe purp̄es nen yomerarava

⁵ Visena naña narina ne Ntewa mla pan imimi, pisape monar mevisawal van yeririna tap̄ena lala, sa nene, naga pisa sape, Ntewa pe purp̄es nen yomerarava, pe narin yemalolo re nena tai teke puna. ⁶ Ve sanene, visae tepisawal ke tesape tepe taaga temio Ntewa, ana tekila ke ga p̄elaga na yemalolo la na wa, nanene tepisokan ke ga ne, pe tekila re sur na lelaga nene poli. ⁷ Ana visae tesumña teyal m̄a e yomerarava naña Ntewa sike e silaga, kila yoko telapran ita ruru wo silaga, ana tevisu tana na narina, Yesu, kilia kevan ita temekiki e kieta mlamulena viowa lala.

Nayalena e yomerarava kienā ne Ntewa: Monar teligan plan p̄elaga na mlamulena viowa lala

⁸ Yeririna naña pisawo ke, pisape naga pe naviowaena su re e kienā malena poli, kienā visena nene pe pe lelaga re poli, naga pisa kotalia ke sina ga naga. ⁹ Ana visae tevisa plan ga

kieta naviowaena lala, yoko Ntewa viewo ita, p̄isi na war plan kieta naviowaena lala vetan ita, kila ita temekiki. Naga ga kila ruru mr̄apa na kilaen sanene rui, ana ita towasine ga naga sane yoko kila van ita sanena naña pisaaria. ¹⁰ Ana visae tesum̄a tevirovia, tevisa m̄ia tesape pe tekila re naviowaena poli na, nanene ita tekila sane Ntewa naga pisokan ga, a ita tekila sane kiena visena nowo na lelagaena, pe tepuarar ruru re nena e kieta malena la poli.

2

¹ Naruu lala, sineun nesape nesiri visena nini van amiu vena iila amiu avisuluñpar sane pe pon re si ataña mlamulena viowa poli. Ana visae pogos tai, amiu yar tai kila viowa, monar tesitom̄al silaga Yesu sulue ga sike na, sane pe yar wa tai na waren kieta visena lala. Naga mesmes, a mekiki, naga kilia va sum̄al mesmes e mara Ntewa, kilia viun tania vena naga sinen ye ita, viewo itania. ² Ana mr̄apa na kilaen sa naña yoko Ntewa kilia viewo itania sanini, nane Yesu ga ne, komin naga pe kuþapañaena na warplanen kieta mlamulena viowa lala, ita yeririna punu ga na yomerava.

*Nayalena e yomerarava kiena ne Ntewa:
Monar telogear kiena navisaluaena lala*

³ Visae yar tai viun ve sanini, visave: ?In na pe nekilia re poli, nekilia ruru Ntewa, pona pe nekilia ruru re naga poli? ?In na nepe kiena, pona pe nepe kiena re poli? Ve sanene na, teviun si tania, tevisave, ?Sanape, ko na omlelaga ke

e kiena visena lala, pona pe omleлага re poli?
⁴ Nanene vanon naña visae yar tai visa sape naga kilia ruru sape Ntewa, naga pe kiena, a naga pe kila re sur la naña navisaluaena kiena ne Ntewa pisa ke ne, yar nene naga pe pisa re lelaga ne poli, pisokan ga. ⁵ Ana yar naña mlogear ruru visena kiena ne Ntewa, naga kila meraravan sane naga kekaran kemua lelaga, pimi keviu lue ga. Ana e mrapa na sanene narui tekilia ruru kemua tesape ita tepe kiena ne Ntewa na lelaga.
⁶ Yar naña naga pisa ke sape pe kie Yesu, yoko monar tevisulupär naña naga mla kemua Yesu pe lelaga e kiena malena.

⁷ Erau lala, e lepas tai na, navisaluaena naña nesiri ke pan amiu, naga pe pe visena viu re tai naña na nanagane poli, naga pe visena tai na susumo, pe visena kiena ne Ntewa ga naña amloge pa na susumo rui. ⁸ Ana e lepas tañena tai na, pe lelaga mëna naña navisaluaena nene, naga sa ga pe urviu si tai pan ita, komin ita tepisu ke sane nagane pere ke yemalolo ñaro pano, kila ke yomerarava na lelagaena pimi narui. Naga sane e malena kiena ne Yesu narui, a nanagane pimi ke mëna sanene e kieta malena la narui, ñisi na kila ita tepisu kilale ke visena viu nene pe lelaga kemua.

⁹ Visae yar tai visa sape mial ke pa e yomerarava rui, ana tepisu naga sinen kar ke wenla, kila ke piowa pania, yar nene sike e yemalolo wa. ¹⁰ Ana yar naña kekaran wenla, kila ke po pania, yar nene mial ke pa e yomerarava

narui, taþatete sitomñal sape ñisi na yalwowe sina e yemalolo, lolor si pogos tai. ¹¹ Ana naga naþa sinen kar ke wenla, naga ve ve sa re nene. Naga sike e yemalolo wa, yemalolo kila sane kilamarana ñala, mial wowe lue ga e pupumalko, pe pisuluþar re kiena mrapa poli, pisuluþar re lele ne kom ke e poli.

Nayalena e yomerarava kiena ne Ntewa: Ve tekekaran re yomarava nini

¹² Amiu naruu lala, amiu kiau nin sisi lala e kieta na lelagaena, in na nesiri ke visena la nene pan amiu komin kam ke narui naþa Ntewa arimata piewo kiamiu mlamulena viowa komin kia kiena Yesu Kristo, ana amiu akilia naga. ¹³ Kiamiu yermarua lala, in na nesiri ke visena la nene pan amiu komin kam ke narui akilia ruru laa naga rui, naþa naga mali sike nanua sumo, sumon na siiena yomarava nini. ¹⁴ Kiamiu yar mÑee lala, in na nesiri ke visena la nene pan amiu komin kam ke naþa amarera ruru po narui, amligan ruru pa visena kiena ne Ntewa teke e kiamiu malena la rui, ataulu pa Yar Viowa nene rui. ¹⁵ Sineun nesape nevisa ve sanene van amiu, ve akekaran manene re yomarava nini, pona kiena sur lala. Yar na kekaran manene yomarava nini, naga taþatete kekaran ruru arimata. ¹⁶ Nanene komin naþa sur na yomarava lala, pona kiena ñelaga lala, ape taþena, pe sa re sur kiena ne arimata Ntewa amio kiena ñelaga lala. Sur na yomarava la nene la sanini, lala ape purþes nen nasinenanen sur moki, ape purþes nen nawereen kilamarata,

ape purþes nen warwarena e kieta malena.
¹⁷ Yomarava nini, amio kiena sur la naþa yeririna la sinelan manene silaga, naga pimi ke vena kovioena ga, ana yar naþa kila ke mesmes e nasinenanena kiena ne Ntewa, naga yoko sulue ga sike narui.

Nayalen e yomerarava kiena ne Ntewa: Monar tevisuar ruru ita vanon sinekar

¹⁸ Naruu lalo-o, nagane tesike e pog maro narui, sa naþa amloge pa rui, na yar naþa apio asape Nasinekar kiena ne Kristo, yoko kilia vim katenia. Pe tepisu re naga poli wa, ana tepisu pa narin yeririna moki na kila kareen Kristo rui, ana kila tepisuluþaria sane yoko ve ve piavi re na Legiena Maro mälivi. ¹⁹ Sinekar la naþa nepisayu ke ne, kam na akilia ke ne. Nanua, la asu amio ita asu ga likan ita, ana siraunia, asumalu narui, amligan ita aþure matan ita sina apano. Nanagane na, tepisuluþpar la ruru nenaga, sane pe apimi re veraga ga amio ita poli, vanon visae peraga, yoko la asu ruru ga amio ita. ²⁰ Ana kam naþa asu ruru ke ga wa, yar wa Kristo pisa ruru amiu pa rui, ana apisuluþpar kiena visena, yoko taþatete aurmatan si naga. ²¹ Ve asitom re asape in na sineun nesape nevisi van amiu vanon sitomena tai naþa asape amiu na amninue ga suria, vanon pe sa re nene poli. In na nepisu sane akilia aloge ruru kilale visena na lelaga a visena na visokanen þisi rui, amiu akilia pa rui visena navisokanena taþatete molue e visena nalelaga, ana nesape nevis van amiu ve naiilaar amiuen. ²² ?Ana visokanen ya ne

la nene apisa ke ne? Visena ne nane, apisa sanene, asape Yesu naga pe pe Navisaarena re poli naña Ntewa mligan pimi tamalia yomarava nini. Visena nene naga pe visena kiena yar la naña sinela kar ke Yesu, ana yar naña pisa sanene, naga kawe ke Ntewa arimata, a kawe ke mëna narina. ²³ Yar naña pilopu mëasina pa narina ne Ntewa, Ntewa tapatete se e naga, a yar naña pisawal ruruia pisape naga mla narina ne Ntewa e kiena malena, yoko Ntewa mëna ga sike amio naga silaga.

²⁴ Lologena wo naña amloge ñesania nanua sumo, naga pe visen wo a pe lelaga, ana popon aligan ruruia e kiamiu malena lala. Visae ve sanene, yoko kiamiu malena naga sumá wo e Ntewa amio Narina silaga, ²⁵ nagane akilia atol malena naña naga pisaaria sape la maran si van ita, naña ve uro re pogos tai.

²⁶ Naga ga nene nesape nevisa van amiu e lepas kiena ne la naña apisa kotalia amiu ke ne, asape aure amiu ava ave tapena sina. ²⁷ Kristo na miawawo amiu pa rui, ana Ninuna Wa naña amiu atolia e pogos naña, naga sike amio amiu wa. Naga kilia vian amiu e sur punu ga naña pe lelaga a mesmes, ana tapatete si akale yar tai naña naga kilia vian amiu sina ga e sur lapasia. Yoko akilali ga sa naña Ninuna Wa pian amiun e ñisi rui, naña pisape popon amiu aligan ruru kiamiu malena to ruru lue ga e Kristo. ²⁸ Naga nene, naruu lala, visae kieta malena naga su ruru lue ga e Kristo, tapatete teloge viowa pogos naña naga wasuþe sina ga pun ita. Ana

visae peraga, pupia memawaena, p̄isi na tesape tokuswan marata pogos naña tevisu naga vim.
29 Tekilia tesape Kristo, kiena ūelaga punu ga po a mesmesu, ana yar naña naga m̄ena sanene, tekilia tesape yar nene naga m̄ena pe narina ne Ntewa sane Kristo.

3

Ita tepe narina ne Ntewa lala

1 Asitomveveli sitomena kiena ne arimata Ntewa e ita yeririna viowa lala. Naga kekaran ita keviu pañisi, pano-o kila pan ita sa ga naña tepisu ita sane narin ga lala. Ana pe ita re ga tepisu ita sa nene poli, naga m̄ena pisu ita sanene, komin naña pure ita tepe loyumña e namratava puna rui, sane narina wawa lala. Yar tañena lala e yomarava pe akilia ruru re arimata poli, sa naña ita tekilia naga, ana sur nene kila la pe apisu kilale ita re m̄ena poli, sane ita tepe narina lala.
2 Erau lala, ita tekilia tevisa tesape tepe narina ne Ntewa, ana pe tekilia re poli wa, sane p̄isi na sirau, yoko naga kila ita teim teve ya sina ga. Ana sur tai tekilia ruruia, naña visae Suñe Yesu warpoyo sina ga, yoko tevisu ruru nena naga e kilamarata napo, tevisu ruru naga, naga ke narui, ana pogos naña tevisu sanene, yoko teimi teve sa ga naga. **3** Ana yar naña sinenan sape yoko naga m̄ena imi ve sa Yesu Kristo, naga monar urar ruru kiena malenamekiki ruruia a ve wa, sa ga Yesu.

Ita narina ne Ntewa lala: Monar teligan ſpelaga viowa lala

⁴ Yar naña taña mlamulena viowa, kilaro ke navisaluaena kiena ne Ntewa, komin purpës nen ſpelaga viowa, naga pe ſpelaga na monen logearen navisaluaena. ⁵ Ana pogos naña Yesu pimi e yomerava nini, naga pimi naña pe mlamulena viowa tai to re nene e naga, naga pimin vena war plan kiesta mlamulena viowa lala. ⁶ Ana visae sanene, yar naña kiena malena teke ruru e naga, yoko mlamulena viowa ve su re si e naga, naga tañatete si kila naviowaena. Ana yar naña mlamulena viowa teke e kiena malena silaga, naga pe pisu ruru re naga poli wa, naga pe kilia re nena naga. ⁷ Kiau narin sisi lala, piowa naña avisa kotalia amiu. Yar naña kiena malena po, naga pe yar mesmesu sane Kristo. ⁸ Yar naña kiena malena piowa, naga pe yeririna kiena Yermare, naña naga pe purpës nen mlamulena viowa e yomarava, siaria e nasiiena pimi tol nanagane. Pelaga viowa kiena ne Yermare kila narina ne Ntewa pitomi mälivi e yomarava nini, vena we plan kiena yumäena viowa lala a kila kiena puriukawaena naga pisi. ⁹ Yar naña sike loyuma e namratava kiena ne Ntewa, naga tañatete si taña mlamulena viowa, vanon malena kiena ne Ntewa te ea. Naga pe narina ne Ntewa, ana monar kus ſpelaga wo kiena ne arimana nene, pisi na tañatete si kila viowa. ¹⁰ E mrapa ne la nene ita monar tevisu kilia ruru ga sane ane pe narina ne Ntewa, a ane pe narina ne Yermare. Yar naña pe kila re mesmes poli, pona

yaru naña pe kekaran re namratava puna poli,
 yar na sanene naga pe pe nin sisi kienā ne re
 nena Ntewa poli.

*Ita narina ne Ntewa lala: Monar telogear
 navisaluena nasitomen yeririna tañena lala*

¹¹ Lologena naña amiu amloge siar e purplesia pimi, na sanini, naña pisa sape: ita monar tekekaran ita silaga. ¹² Asitorñali yar sa Yermare nanua ne, Ken, naña pe kekaran re wenla naña Epol poli, naga mñemomñaria. Piowa naña tekila sanene, ana popon tesitomvevelia mias ya ne naga kila sanene? Nanene vanon kienā yumñaena lala, Ntewa pisu piowa ga, ana kienā ne wenla, naga mesmes ruru po, ana Ntewa kekarania, pisi na kila Ken pieluen wenla panonia, sinen karia, mñemaria.

¹³ Erau lala, ñelaga viowa na sa nene, yeririna la akila ke pimi tol nanagane, ana ve teilan re naña visae tevisu la avieluen ita mñena ga, avisa kare ita vanon yumñaena wo lala kienā ne Ntewa naña visae teyumñaenia. ¹⁴ Ana ita naña pe sineta kar re yar la poli, tekekaran ruru na mratava pun ita, nanene pe mrapa na kila meraravanen sane temligan marena, tepim e malena rui. Ana yar naña sitomena pe to re e naga poli, naga sike e marena na wa. ¹⁵ Yar naña sinen kar na mratava puna tai, naga sane pe yar na wemomñaren yar la narui, ana sa naña ita tekilia ruru ña rui, yar na wemomñaren yaru, malena naña ve uro re pe to re e kienā malena poli.

16 Pona ita yar tai piun ke pisape, ana sur nañpane sitomena, naga pe sur na sanape? Pogaga, tekilia tesape sitomena naña pe lelaga, naga sanini: Yesu Kristo tamän kiena malena wetelu panon ita, ana visae sitomena nene teke e ita, ñisi na ita mëna tetarñan kieta malena vanon kieta wolai lala. **17** Yar tai naga limana pulen sur nowo lala a, wenla tai, limana plas kemua lelaga, pe kiena sur re poli. Ñisi na naga pisulupar wenla nene, ana naga kila sinen märera laa sane pania, pe miila re poli, yar na sanene sitomena kiena ne Ntewa pe to re nena e poli.

18 Naruu lala, kieta sitomena ve e re ga e kieta visena lala. Sitomena naña pe lelaga, naga pe sur re tai na visaen ga poli, pe sur na yumäenena a na kilaena. **19** Ana visae kieta sitomena þarlologia ruru marana sanene, nane pe mrapa naña ita tekilia tesape visena lelaga kiena ne Ntewa þar ke mras e kieta malena. Ana ve sanene na, teloge ga wo vena vaen lavisin Ntewa, ve temaraun re si naga. **20** Pogos laþasia tekilia temaraun naga, vanon naña yoko kieta sitomena kilia liþere ita sina, kila ita tesitomñal sina tese kieta naviowaena lala, ana Ntewa naga kilia ruru punu pa rui, ana kieta na viewoena na naga keviu manene laa sane, þar plan petan ita. **21** Erau lala, visae losineta naga merarava ruru wo, ñisi na naga taþatete liþere ita sina, kila pe temaraun re nena na va sumñalen se marana ne Ntewa na viunen sur tania. **22** Visae telelaga mä e naga, tekila mä sur la naña naga sinenania, ñisi na tekilia tetol suria la naña tepiun ke tania.

²³ Navisaluaena kiena ne Ntewa pan ita sanini, pisape: Monar telelaga e kia kiena ne narina, Yesu Kristo, a monar tekekaran ita silaga, sa naña naga pisa pan ita. ²⁴ Yar naña mlogear e navisaluaena kiena ne Ntewa, naga sike amio Ntewa. Ntewa teke e kiena malena. ?A yoko ita tekilia tesape naga teke e ita sanape? Sur nene, Ninuna naña naga mla pan ita naga kilia kila ita teloge kilale sane pe lelaga.

4

Ita narina ne Ntewa: Monar tevisuar ruru vanon sinekar kiena ne Kristo lala amio ūlaga na yomarava

¹ Erau lala: visae amiu yar tai visa ke sape Ninuna Wa teke e naga, kila ke naga pisawal ke kiena visena, popon sa amiu avisu ruruia aninuluñpar ninuna na teke e naga, pe lelaga ninuna kiena ne Ntewa, po pe kiena re Ntewa poli. Ita monar tevisu ruruia komin navisawalena navisokanena lala moki asu make yo la ne e yomarava nini rui. ² ?Ana tekilia teninu luñpar ninuna la nene ve sanape? Ita tekilia tevisu luñpar Ninuna Wa kiena ne Ntewa komin naga pisawal pisape Yesu Kristo pimi pe yeririna, paeme e yomerava, ³ ana visae ninuna tai ve visa re sanene, ninuna nene pe pe kiena ne re Ntewa poli. Ninuna na sanene na molue kome nasinekar kena Kristo, naña amiu amloge pa rui sane pimi ke rui, pona sike pa e yomarava nini rui. ⁴ Ana naruu lala, ve amaraun re navisawalena la nene, komin amiu asike e lepas kiena ne Ntewa, akilia ataulu la

ga. Lelaga pap̄isi, naga naña teke e amiu naga m̄arera laa taulu naga naña sike e yomarava. ⁵ Yar na visokanen la ape yeririna na yomarava ga nini, ana visena la naña apisa ke ne molue ga e sitomena na yomarava nini, ana yeririna tañena la na yomarava nini amiyagogan la. ⁶ Ana ita yeririna na lelagaena, ita na pe na yomarava re nini poli, ita tepe kiena ne Ntewa. Yar naña kilia ruru Ntewa, naga kekaran yagogon itaena, a naga naña pe kiena ne Ntewa re poli, mon yagogon itaena. E mrapa ne la nene ita tekilia teninu luñpar Ninuna na visena naña lelaga, a ninuna na visokanena.

Pelaga na sinesiena

⁷ Erau lala, popon naña tekekaran ita silaga, komin sinesiena naga pe ñelaga kiena ne Ntewa. Yar naña sinen si yeririna, naga pe narina ne Ntewa, ñarlologia ga ñelaga kiena ne Ntewa, kilia ruru Ntewa e kiena malena. ⁸ Yar naña pe sinen si re yeririna la poli, naga kilia re Ntewa poli, komin Ntewa na pe purþes nen nasinesiena. ⁹ ? Ana tepisu pupia nasinesiena kiena ne Ntewa nene pogwai? Tepisu kiena sinesiena nene e pogos naña mligan narina taaga nene pimi e yomarava, vena kila ita tekilia temal. ¹⁰ Nanene nasinesiena naña pe lelaga kemua: pe naga re naña sineta si Ntewa poli, ana naña naga sinena si ita, pano-o tamān narina pitomi pe kuþaþaena pe na kilaruruuen marana ne kieta naviowaena lala.

¹¹ Erau lala, komin naña Ntewa sinen si ita keviu sanene, kila po pan ita sanene, popon

ita m̄ena ga sineta sisi ita ve sanene, tekila wo van ita. ¹² Yar tañatete kirawal Ntewa, ana visae ita sineta si manene ita, yoko tevisu sane Ntewa teke e kieta malena, ana ñelaga na kienasinesiena yoko imi ve keviu manene laa sane e kieta malena.

¹³ Ita tekilia Ntewa teke e kieta malena, a ita tesike ruru ga e losinena, komin naga mla Ninuna mesmes pan ita, pe na kilaen ita telogekilale tesape sur naña pe lelaga. ¹⁴ Tekilia m̄ena ga pe lelaga ga naña Arimata Ntewa mligan narina nene pitomi vena natamaliaena na yomarava, ve sa naña ita tepisu pa e kilamarata rui a naña tepisawal ke e yo punu ga. ¹⁵ Yar naña pisawal ke sape Yesu pe narina ne Ntewa kemua lelaga, Ntewa teke e losinena, a naga m̄ena teke e losinena ne Ntewa. ¹⁶ Tekilia ruru po naña Ntewa sinen si ita, komin naña tekilia teloge kilia e kieta malena lala, ana tekilia telelaga e kienavisena naña pisawal pan ita. Ntewa naga pe purþes nen nasinesiena, ana yar naña ñelaga na sinesiena pimi keviu e kienasinesiena, naga teke e losinena Ntewa, a Ntewa teke e losinena. ¹⁷ Ntewa sinenan sape kila ñelaga na sinesiena vim ve keviu la sane e kieta malena lala, vena kilaen kieta ñelaga lala na yomarava nini ve sa ga ñelaga kienasinesiena ne Kristo nanua ne. Ana visae kieta ñelaga lala vim wo ve sa nene, yoko wo van ita vapisi ne, vanon tañatete si temarau po tememawa e legiena na liþereena na pimi ke ne. ¹⁸ Visae yar tai naga marau, nanene vanon naña naga pisu kienasinesiena na pimi ke rui, a naga

mloge kilale re sinesiena kienā ne Ntewa kila ruru kienā malena poli. Ana ūelaga na sinesiena napo naga kilia m̄enelua nena pupia marauena nene.

¹⁹ Visae sineta si ke yeririna tañena lala, nanene vanon Ntewa naga sinen si ita ūesia. ²⁰ Yar naña pisa sape naga sinen si Ntewa, ana sinen kar ke namratava tai puna, naga pisokan ke ga. Visae namratava puna naña sumña pisu lue ga ana naga pe sinen si re poli, naga tañatete sinen si Ntewa naña naga pe pisu re e kilamarana poli. ²¹ Navisaluaena kienā ne Kristo e kieta malena naga sanini, sape: yar naña sinenan sape ve yar nasinesiruruen Ntewa, naga monar sinen si ruru m̄ena namratava puna lala.

5

¹ Yar naña mlelaga sape Yesu na pe Navisaarena, yar nene naga pe narina ne Ntewa lelaga. Ana visae narina ne Ntewa nene visa sape naga sinen si Arimana Ntewa, naga monar sinen si m̄ena narina ne Ntewa tañena lala. ² ? Ana yoko naga kilia sape sinen si ruru la ve sanape? Visae sinen si Ntewa, ana mlogear kienā navisaluaena lala, yoko naga visu naña sinen si kemua narin Ntewa la pe lelaga ga. ³ Pelaga na sinen si Ntewa naga sanini: touarar ruru kienā visena. Kienā navisaluaena lala pe urmi manene re pan ita naña teyumāen poli, ⁴ komin ita sisi la naña tepaeme pu Ntewa, visae tesumāl m̄arera e kieta naviawaena, ita tepe yeririna na tauluen pa yomerava nini rui. ⁵ Neviun si vetan amiu: ?

Yar naña taulu ke yomarava nini naga ai? Naga ga naña visae sumal mārerera sape Yesu naga pe narina ne Ntewa kemua lelaga.

6-8 ?Ana tekilia ve sanape naña Yesu naga pe narina ne Ntewa? Yar la telu naña apisawal visena nene pan ita: tai na Ninuna Wa, tai na wii, a tañena na kuruta, a la telu nene apisawalia sane visena taaga ga. Wii naga pisa sape e ñelaga kieno ne Yesu Kristo, naña paeme e yomarava sanape, naga tol nakeena sanape, ita tekilia tevisuluñpar sane naga pe narina ne Ntewa. Ana pe naga re ga nene poli, ana kuruta mëna pisa sape e ñelaga kieno ne Yesu mä ke na wa, naña naga mare sanape, ita tekilia tevisuluñpar sane pe lelaga. Ana metavan si nanene, Ninuna Wa, naña kieno visena pe lelaga lue ga, pisawal meraravan mëna e maran yeririna la nakonua rui. **9** Ana visena la naña Ninuna Wa kila, la aurumi papisi, visae ve sanene monar telelaga ga ea, komin nanene pe pe visena kie yeririna re ga la poli, naga pe visena kieno ne Ntewa navisawalen sape naga pisu Narina sanape. **10** Yar naña naga mlelaga ruru e narina ne Ntewa ve lelaga, visena la nene tawa ruru ga sike e kieno sitomena, pe sitom ñele re si poli, ana yar naña pe mlelaga re e narina ne Ntewa poli, pe mlelaga re e sur naña Ntewa pisa meraravan ke e narina poli, naga pisu sane Ntewa pisokan ga. **11** Ana visena la naña monar tesumal mārerera e silaga, sa nene, asape: Ntewa mla malena naña ve uro re pogos tai pan ita, ana purþes nen malena nene na pe

Narina ga. ¹² Yar naña narina ne Ntewa teke e kiena malena, naga tol pa malena rui, ana naña narina ne Ntewa pe to re e kiena malena poli, naga pe tol re malena poli wa.

Visen maro: Malena naña pe luas to re e poli

¹³ Nesiri ke mäki nini pan amiu naña amlelaga pa e kia kiena ne narina ne Ntewa rui, vena iila amiueña ve kiamiu sitomena ve veve lua re, vena akilia ruru sane atol pa malena naña ve uro re. ¹⁴ Pogos naña kieta sitomena ve pepe re, ita tekilia tesumälä märera e naga, pisi na sur ya ne teviun tania mesmesun e kiena nasinenanena, yoko naga loge ita. ¹⁵ Ana visae tekilia ruru sane naga mlöge ita pa rui, tekilia ruru mänenä sane sur ya naña tepiun tania, sa naña tetol pa rui.

¹⁶ Visae tevisu kieta wolai tai naga kila ke naviowaena, naña naviowaena nene pe keviu re poli, pe torokin re yar mare vanon poli, pona wereplan si yeririna lala vetan Yesu Kristo, ita tekilia telenwoia, pisi na Ntewa kilia tamän ga naga to loyumä e malena. Ana pe nepisa re nesape poga ga amiu alenwo yar naña kila pupia naviowaena, vanon naviowaena päsia naga na marena ga, ana visae yar tai naga kila sanene, yoko ita taþatete si tevisa sur tai. ¹⁷ Sur nataþaviowaena make ga naga mlamulena viowa nene, ana naviowaena päsia ape na marena, ana päsia pe na marena re poli.

¹⁸ Ana tekilia pa rui sane yar naña pimi pe narina ne Ntewa, naga ve kila re si viowaena na marena pona viowaena na pe na marena re poli. Yar na sa nene monar visuar ruru naga,

vilon mesmes ruru kiena malena, ñisi na yar viowa nene tañatete si kila sur tai vania, tañatete kila kare si naga. ¹⁹ Yomarava wetelu nini sike vatanon puriukawaena kiena ne Yar Viowa nene, ana ita yeririna lala naña temlelaga, tekilia ita tepe kiena ne Ntewa ga. ²⁰ Ita tekilia sane narina ne Ntewa pitomi, mla pan ita navisu kilaleena vena tekilia Ntewa naña pe lelaga, ana ita tesike ga e naga ga narui, amio narina nene, Yesu Kristo. Kieta Ntewa nene naga pe lelaga, ana malena naña mla pan ita naga pe luas re poli.

²¹ Naruu lala: amiavuisuar ruru amiavuisuar, amiu alotun Ntewa nene naga taaga ga silau, ve atamān re nono tañepa lala aimi akus lelena e kiamicu sitomen lala.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 11 Nov 2022 from source files dated 22 Nov 2019

ee028e1c-7e53-571d-8041-681daaf580e8